

SCRIPT OF MORNING GOJRI NEWS BULLETIN 11NOV 2025 1015HRS

مارننگ گوجری نیوز بولٹن 11 نومبر 2025

یوہ آکاشوانی جموں ہے عبیدالرحمان تیں خبر سُنو۔

DELHI BLAST

دہلی لال قلعہ غے نزدیک گزشتہ شام ایک زور دار کار دھماکو ہوو جس غا نتیجہ مانہ 8 افراد ہلاک تے کئی دوجا زخمی ہو گیا یوہ دھماکو گزشتی شام تقریباً 7 بجے پیش آیا کار ٹریفک اشارہ ور رُکی تے اُسے وقت دھماکو 20 i جس دوران ایک یوندائے غی ہوو جس مانہ مذکورہ کار غے نزدیک رُکی وی کئی گڈیاں نانہ نقصان پُجیو تے پیدل چلتا کئی افراد وی زخمی ہویا مرکزی وزیر داخلہ امت شاہ نے کہیو ہے کہ اس معاملہ مانہ تمام تحقیقات شروع کردتی گئی ہیں وزیر اعظم نریندر مودی نے وی موقعہ غی صورتحال غو جائیزو لیو تے وزیر داخلہ نال اس دھماکہ بارے تبادلہ خیال کیو ہے وزیر داخلہ امت شاہ اج ایک اعلیٰ سطحی میٹنگ غے دوران اس پورا معاملہ غو جائیزو لیں گا اس واقعہ تیں بعد حفاظتی صورتحال نانہ مزید بدھا دتو گیو ہے تے کٹرہ مانہ جموں کشمیر پولیس تے سی آر پی ایف غی طرفوں ویشنو دیوی شرائین ور حاضری دین آلا عقیدت منداں وستے حفاظتی انتظامات نانہ یقینی بنایو گیو ہے۔

LG BHILIA

لیفٹیننٹ گورنر منوج سنہا نے چھتیسگرھ مانہ آئی آئی ٹی بیلیا مانہ منعقد سالانہ کنووکیشن غے دوران خطاب کرتا واں کہیو ہے کہ ہمارو بُنیادی مقصد انسانی زندگیاں نانہ بہتر بنانوتے نئی ایجادات غے ذریعے معاشی ترقی نانہ فروغ دینو ہے موصوف نے گریجیشن کرچکیا انجینیراں تے سائنس دانان تیں اپیل کی کے وے سائنسی تے تکنیکی اصولاں نانہ اپنا غے سماج غے اندر ایک مثبت تبدیلی رونما کریں اے آئی گا مواقع غو زکر کرتا مانہ موصوف نے توانائی دفاعی نظام ایرو سپیس تے بایو ٹیکنالوجی شعبہ غو زکر وی کیو اُنہاں نے کہیو کہ 89 فی صد سٹارٹ اپس گو مقصد تکنیکی طرز عمل نانہ فروغ دینو ہے تے گریجیشن کرچکیا طالب علماں وستے یوہ سنہری موقعو ہے کہ وے ملک غا تکنیکی مستقبل مانہ اپنو کردار ادا کریں۔

POLLING

نگروٹہ تے بڈگام اسمبلی حلقاں مانہ توقع کی جارئی ہے کہ بڑی تعداد مانہ رائے دہندگان اپنا حق رائے دہندگی غو استعمال کریں گا گروٹہ مانہ سخت حفاظتی انتظامات نال ووٹ پان غو سلسلو شروع ہو گیو ہے 150 پولنگ مرکزوں ور تقریباً 98 ہزار ووٹر 10 امیدواراں غی قسمت غو فیصلو کریں گا۔ بڈگام اسمبلی حلقہ مانہ وی اج 17 امیدواراں غی قسمت غو فیصلو ووٹر کریں گا۔ دواں انتخابی حلقاں تیں موصول ہوئی جانکاری غے مطابق ووٹر بڑی تعداد مانہ اپنا حق رائے دہندگی غو استعمال کریں گا پولنگ مرکزوں ور آرپیا ہیں حکام نے عوام تیں اپیل کی ہے کہ وے بڑی تعداد مانہ پولنگ مرکزوں ور آویں تے اپنا حق رائے دہندگی غو استعمال کریں واضع رہ کہ ووٹاں غی گنتی 14 نومبر نانہ کی جے غی۔ اج سویرے 9 بجے تک نگرورٹہ اسمبلی حلقہ

مانہہ 15.11 فی صد پولنگ درج کی گئی ہے تے اسے طرح بڈگام اسمبلی حلقہ
مانہہ 9.36 فی صد پولنگ درج ہوئی ہے۔ ووٹ پان غو سلسلو اج شام 6 بجے تک
جارے رے غو۔

SEARCH OPS

حفاظتی صورتحال نانہہ مزید بہتر بنان خاطر اننت ناگ تے گُلگام ضلعان مانہہ پولی س
نے کئی جگہاں غو محاصرو کیو تے تلاشی کاروائی کی تانجے ملک غے خلاف کسے
قسم غی سرگرمی ور روک لائی جاسکے تے ضلعان غے اندر حفاظتی صورتحال نانہہ
یقینی بنایو جاسکے۔ اننت ناگ مانہہ پولیس ٹیم نے حفاظتی دستاں نال مل غے لال
چوک اننت ناگ تے ضلع جیل کھیریل غے نزدیک چھاپہ ماریا تے کئی جگہاں غی
نیٹ ورک نال جڑی کئی جگہاں تیں علاوہ یو اے پی اے JKNOP تلاشی کی اس دوران
تے JKNOP's غا ملزم افراد غی تحقیقات تے تلاشی کی گئی گُلگام مانہہ پولیس نے
گروپاں نال منسلک افراد 8 رشتہ داراں نانہہ گرفتار کرغے سینٹرل جیل اننت OGW
ناگ منتقل کیو اس آپریشن غو مقصد دہشت گردی غا نیٹورک نانہہ ختم کرنو تے عوامی
تحفظ نانہہ یقینی بنانو ہے۔

SPORTS SATISH

کھیڈاں گا وزیر ستیش شرما نے کہیو ہے کہ سرکار جموں کشمیر غے اندر کھیڈ ثقافت
نانہہ بادو دین وستے وعدہ بند ہے اُنہاں نے کہیو کہ شہری علاقان غا نوجواناں نانہہ
جدید طرز غا کھیڈ غا ڈھانچہ دستیاب ہیں وزیر موصوف سرینگر غا ردپورہ علاقہ
مانہہ ایک کھیڈ میدان غی تعمیر نو غو نی پتھر رکھتے وقت یہ گل کہ رہیا تھا
موصوف نے جموں کشمیر مانہہ کھیڈاں نانہہ بادو دین خاطر تمام طرح کا تعاون غی
یقین دہانی کرائی ہے۔

CS HOME STAYS

چیف سیکرٹری اٹل ڈلو نے بجموں کشمیر غے اندر سیاحت محکمہ غی ہوم سٹے پالسی
غو جائیزو لیو اس دوران موصوف نے اس گل ور زور پایو کہ ڈیجیٹل نظام غو
استعمال کرتا واں گھر رہائش نانہہ برائے راست بوکنگ پورٹل نال جوڑیو جے تے
سوشل میڈیا غو استعمال کرغے اس نظام نانہہ مزید فروغ دتو جے موصوف نے مالی
تعاون غے نال نال جموں کشمیر بینک نانہہ وی ایک خاص طرز غی لون اسکیم متعارف
کران غی اپیل کی گاہکاں گا تجربات حاصل کرن خاطر اندراج نظام نانہہ مزید آسان
کوڈ غا استعمال ور وی تبادلہ QR بنان درجہ بندی نظام تے رقم غی ادائیگی وستے
خیال کیو گیو 25 سو اندراج شدہ ہوم سٹے گو ذکر کرتا واں موصوف نے کہیو کہ
وقت رہتاں اس نظام غی عمل آوری نال مقامی لوکاں نانہہ کافی فائدو حاصل وے گو
تے اس نال روز گار مانہہ بادو وے غو تے یوٹی غے اندر دیہی سیاحت نانہہ کافی
فروغ ملے غو۔

JMC AIR POLLUTION

جموں میونسپل کارپوریشن غی طرفوں شہر غے اندر بدھتی ہوا مانہہ آلودگی ور قابو
سطح 179 درج کی گئی ہے AQI پان خاطر کئی اقدامات لیا گیا ہیں شہر غے اندر

جھڑی صحت وستے مضر ہے جے ایم سی گاکمشنر ڈاکٹر دیوانش یادو نے رات غے
وقت سرکاں غی صفائی تے دن مانہ پانی نال آلودگی غی صفائی تے دھواں تے توڑھ
نانہ ختم کرن وستے اینٹی سماگ مشینری غا استعمال غو حکم دتو ہے اس دوران
موصوف نے عوامی تعاون غی وی اپیل کی تاکہ صاف جموں ہرا جموں اقدام غے تحت
ساف ہوا تے صحت مند ماحول نانہ برقرار رکھیو جاسکے۔
